

四庫全書

集部

欽定四庫全書

集部

文苑英華辨證卷二

詳校官庶吉士臣龍廷槐

助教臣常循覆勘

總校官候補中書臣孫溶

校對官中書臣宋枋遠

謄錄監生臣王逢源

文苑英華辨證原序

叔夏嘗聞太師益公先生之言曰校書之法實事是正
多聞闕疑叔夏年十二三時手鈔太師皇帝實錄其間
云興衰治口之源闕一字意謂必是治亂後得善本迺
作治忽三折肱爲良醫信知書不可以意輕改文苑英
華一千卷字畫魚魯篇次混淆比他書尤甚曩經孝宗
皇帝乙覽付之御前校勘官轉失其真詳見益公序篇
公既退老丘園命以校讎膚見淺聞寧免謬誤然攷訂

商確用功爲多散在本文覽者難徧因薈粹其說以類而分各舉數端不復具載小小異同在所弗錄原注頗

略今則加詳

謂如一作某字非者今則聲說

其未注者仍附此篇

初不注者

後因或人議及今存一二

勒成十卷名曰文苑英華辨證云嘉泰四

年冬十有二月己丑朔鄉貢進士廬陵彭叔夏謹識

欽定四庫全書

集部八 總集類

文苑英華辨證目錄

武英殿聚珍版

卷首

原序

卷一

用字一

用字二

用字三

用韻一

用韻二

事證

卷二

事誤一

事誤二

事疑

人名一

人名二

卷三

人名三

人名四

人名五

官爵一

官爵二

官爵三

卷四

郡縣一

郡縣二

郡縣三

年月一

年月二

卷五

年月三

年月四

名氏一

名氏二

卷六

名氏三

題目一

題目二

門類

脫文一

卷七

脫文二

脫文三

脫文四

同異

卷八

離合

避諱

異域

鳥獸

草木

卷九

雜錄一

雜錄二

雜錄三

卷十

雜錄四

雜錄五

臣等謹案文苑英華辨證十卷宋彭叔夏撰
叔夏廬陵人自署曰鄉貢進士其始末未詳
江西通志亦但列其名于紹熙壬子鄉舉條
下不為立傳蓋已無攷矣是書因周必大所
校文苑英華而作攷必大平園集有文苑英
華跋曰孝宗皇帝欲刻江鈿文海臣奏其去
取差謬不足觀乃詔館閣裒集皇朝文鑑臣
因及文苑英華雖祕閣有本然舛誤不可讀

俄聞傳旨取入遂經乙覽時御前置校正書
籍一二十員往往妄加塗注繕寫裝飾付之
祕閣頃嘗屬荆帥范仲藝均倖丁介稍加校
正晚幸退休徧求別本與士友詳議疑則闕
之惟是原修書非出一手叢脞重複首尾衡
決一詩或析為二二詩或合為一姓名差互
先後顛倒不可勝計其中賦多用員來非讀
秦誓正義安知今日之云字乃員之省文以

堯韭對舜榮非讀本草注安知其為菖蒲又如切磋之磋馳驅之驅挂帆之帆仙裝之裝廣韻各有側音而流俗改切磋為効課以駐易驅以席易帆以仗易裝今皆正之詳註逐篇之下始雕于嘉泰改元春至四年秋訖工云云是書之首亦有嘉泰四年十二月叔夏自序稱益公先生退老丘園命以校讎攷訂商榷用功為多散在本文覽者難徧因薈粹

其說以類而分云云則必大所稱與士友詳
議者蓋即叔夏故與必大校本同以嘉泰四
年成書也書凡四十五篇分類二十曰用字
曰用韻曰事證曰事誤曰事疑曰人名曰官
爵曰郡縣曰年月曰名氏曰題目曰門類曰
脫文曰同異曰離合曰避諱曰異域曰鳥獸
曰草木曰雜錄其中如磋驅帆裝諸字與必
大所舉者合然序又稱小小異同在所弗錄

原注頗略今則加詳其未注者仍附此篇則
視必大原本亦多所損益矣文苑英華本繼
文選而作于唐代文章採摭至備號為詞翰
之淵藪而卷帙既富牴牾實多在宋代已無
善本近日所行又出明人重刊承訛踵謬抑
更甚焉叔夏此書攷核精密大抵分實屬承
訛在所當改別有依據不可妄改義可兩存
不必遽改三例中如杜牧請追尊號表以高

金史紀事本末 目錄
宗伐鬼方為出尚書實偶然誤記而叔夏疑
是逸書未免有持疑不決之處然其用意謹
嚴不輕點竄亦于是可見矣乾隆四十六年

八月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

文苑英華辨證卷一

宋 彭叔夏 撰

用字一

凡字有本之前人不可移易者 如趙昂攻玉賦匪瑕
匪穢寧有于吾欺穢一本作剌按春秋繁露玉至清而
不蔽其惡內有瑕穢必見之于外故君子不隱其短則
穢字是 白居易賀雨詩已責寬三農乃用左傳晉悼

公已責事謂止逋責也而集本文粹並作責已

上文已云下罪

已詔此不應又云責已

權德輿李國貞碑人命將泛乃用漢食

貨志大命將泛泛方勇反覆也而集文作沈此類當

以文苑為正

用字二

凡字因疑承訛當是正者如李邕日賦將閑谷兮永

言豈覆盆兮貽悔閑當作閑見文選曹植與吳質書閑

濛汜之谷

驕陽賦

闕名他皆倣此

水于土而成妖于當作干

見春秋繁露水干土則大旱 又誓中隅而有請詳上
文指廣漢從事按搜神記諒輔為廣漢從事夏旱出禱
誓至日中雨不降請以身塞乃積柴將自焚至禺中時
雨大作據此則中隅當作禺中 吳融沃焦山賦嘉穀
薿薿五穫何利詳上文言幽并之墟按管子恒山有穀
四種五穫據此則嘉穀當作嘉穀 賈餗履薄冰賦時
剡剡而屢起屢當作履禮記升行剡剡起屨 王澄梓
材賦掄材者杼杼當作杼廣韻杼本工匠或作梓 浩

虛舟王者父事天兄事日賦草邑難窮屢軫南陔之戀
棠陰易匿常思棣鄂之華邑或改作昧非也南陔補亡
詩云循彼南陔厥草油油彼居之子色思其柔則邑當
作色 日中為市賦權廡于焉積實按漢趙王彭祖傳
為賈人權會師古曰專權賈人之會若今和市會工外
反則權廡疑作權會 高郢吳公子聽樂賦馬弭毛而
仰秣魚踈鱗而躍浪按左思吳都賦馬弭髦而仰秣魚
踈鱗而上升則毛當作髦踈當作疎 林慮山人鍾期

聽伯牙鼓琴賦納正集邪按白虎通琴者禁也禁止于
邪以正人心也則集當作禁 梁涉長竿賦有格櫟之
脩竿按司馬相如大人賦建格澤之脩竿注格澤氣也
格胡各反澤大各反則櫟當作澤 樊晦燕巢賦或在
王筵王筵當作玉筐文選安陸王碑注云有娥氏取燕
覆以玉筐 王起魚銜珠賦得廉寸之彩廉疑當作兼
左思魏都賦明珠兼寸又疑作度韓詩外傳良珠度寸
又如董思恭日賦滄海十枝暉見山海經扶桑九日

居下枝一日居上枝而或作滄海十丈暉 楊炯謫宴

應詔詩妖星六丈出見漢天文志五殘六賊司詭咸漢

四星並去地可六丈而或作妖星六紋出 王勃九成

宮頌林兵護野方臣啓路臣疑當作神珽固東都賦山

靈護野屬御方神 又架千樓而致極致疑當作擻揚

雄甘泉賦擻北極之嶠嶠 劉蕤器恤刑策赭衣艾筆

筆疑作畢荀子治古無肉刑而有象刑共艾畢殺赭衣

注畢與鞞同 薛道衡老氏碑非纓知耻畫服興慚非

一作卽疑當作艸艸古草字草纓見慎子 王延昌河

瀆碑春以冰泮秋以涸流涸流當從漢書郊祀志作涸

凍

文墨相望文墨當從國語作文墨

五文為墨

漸邑麾

城漸當作擗音憶舉手擬之也見揚雄長楊賦 崔太

師家廟碑眊眊孝子眊眊疑當作翬翬音沐謹愿貌見

漢書鮑宣傳 權德輿李國貞碑亂之劇也劇當從集

作剡國語舅犯曰大亂之剡也不可犯也注剡鋒也

張說鄭夫人誌閨門之訓閨當從集作闔國語文伯之

母闕門與康子言注闕闕寢門也 于邵謝賜甘子狀
分甘絕劣按司馬遷傳李陵絕甘分少今文既顛錯少
又作劣恐當云絕甘分少 溫庭筠上杜舍人啓物乘
其勢則嘒紀畫塗按王褒傳忽若彗汜畫塗言其易也
今訛作嘒紀恐當云彗汜畫塗 此類覽者所宜詳也

用字三

凡字有兩存于義亦通者 如天晴景星見漢天文志
晴當作暕暕精明也 雍時舉燿火史記漢書作權火

而張晏注史記權音燿周禮有司燿許氏說文舉火曰
燿司馬史記索隱作權火 孟康注漢書云狀如井絜

臯如淳曰權舉也 喬潭羣玉山賦登隱全石鎮罔兩

賦登隱全之丘莊子本作隱弇釋文弇符云反又音紛

賈餗穿楊葉賦謏詒不能以施力莊子本作喫詒喫

口懈反喫詒多力也 李德裕大孤山賦掩二山而礫

豎據郭璞江賦虎牙礫豎以屹萃而諸本並作傑 陶

洪滅裂禾賦並陵兢而靡窮據揚雄甘泉賦作凌兢

或云

凌陵
通用

陳子昂陳明經誌顙顙虎頭顙文粹作欽按後漢周燮欽顙注欽或作顙丘凡反而集又作燕顙此類並仍其舊或注一作

用韻一

凡前人用韻有兩音而不可輒改者如吳鈞酬別詩

押亮字韻下云七寶雕華裝裝唐韻側亮反行裝也而

藝文類萃改作華杖

陶翰贈盧司倉詩末由飭仙裝亦是去聲而或改作仗

孟

浩然送辛大不及詩押汝字韻上云日暮獨悲余余與

予同楚辭曰眇眇兮愁予從上聲讀而集本改作愁緒
李又贈同行人詩驄馬何嘗驅正用樂府驄馬驅事
驅唐韻區遇反或改為駐而不知前已押節序催難駐
矣又如朱休駕幸太學賦各呈材而切磋唐韻磋七
過反而或改作效課楊璫蟻穿九曲珠賦乍見規行
之迂唐韻迂於武反迴曲貌而一本疑平聲不協韻改
作迂尤非此類當以文苑為正

用韻二

唐賦韻數平側次第初無定格今略舉一二 有四韻

者泰階六符

元亨利貞

秋月

至明周照

莫莢

呈瑞聖朝

丹甌

國有豐年

諸篇

是也

有五韻者五星同色

昊天有成命

海上五色雲

餘霞散成

綺

金莖

日華川上動

殘雪

明月照積雪

諸篇是也

有六韻者止

水

清審洞澈涵容

魍魎

道德義希夷

及豚魚

聖朝道孚隱微

善師不陣

聖朝

威服

諸篇是也

洪氏容齋續筆乃以唐登科記東郊朝日賦國家行仲之令人鏡賦主聖臣道

光貞指為六韻按文苑所載乃是國家行仲春之令七韻主聖臣忠道光貞觀八韻蓋登科記闕此三字耳

有七韻者日再中

漢文帝時數如此

武藝絕倫

弧矢之利觀威天下

紫極舞

大樂與天地同和

諸篇是也

有八韻者

今為定格

有九

韻者二氣合景星

其狀無常出有道之國

竹宮望拜神光

上辛之日有事

于園丘

大雩

命有司送寒氣肅京室

諸篇是也

有十韻者千秋鏡

鵲飛如向月龍盤似映光

秦客相劍

決浮雲清絕塞通題為韻

冰壺

清如玉壺冰何慙風昔意

諸篇是也

洪氏又云有三韻者引花萼樓以題為韻誤矣按登科記花萼樓賦并序以題為韻今文

苑花萼樓賦以花萼樓賦一首并序為韻皆押八韻凡有五首蓋唐賦所謂以題為韻者或并賦字押如日中

有玉字渭水象天河並以題為韻而作賦者并賦字押凡六韻今花萼樓賦一首并序以題為韻凡八韻非一

韻也其八韻則有四平四側者

今為定格

有三平五側者

日月合璧

兩曜相合
候時不差

先王正時令

四時漸差
置潤以正

諸篇是也

有五平三側者冰將釋

和風既至
遲日初臨

玉壺冰

堅白貞虛
作人之則

諸篇是也

洪氏又以宣耀門觀試武舉人賦君聖臣肅
慎擇多士幽蘭賦遠芳襲人悠久不絕金柅

賦直而能一斯可制動為三平五側今文苑所載慎擇
為精擇悠久不絕為終古無絕直而能一為貞而能一
乃四平四側與

有二平六側者泗濱浮磬

美石見質
琢之成器

圖畫功臣

立定兩功
惟克永代

諸篇是也

有六平二側者白雲

無心

山川出雲
天實為之

鑿壁偷光

將欲貪於
鱗角之成

諸篇是也

洪氏又
以旗賦

風日雲舒軍容清肅為六平二側今文苑所載
風日雲野軍國清肅乃四平四側登科記必誤

有以

平上去入為韻者如三無私山公啓事諸篇是也 有

平上去入周而復始者如空賦三足鳥賦諸篇是也

洪氏

又云自大和後始以八韻為常按登科記大和六年試君子之聽音賦以審音合志鏗鏘為韻猶是六韻開成三年試霓裳羽衣曲賦任用韻文苑所載三首第一篇六韻第二第三篇皆七韻今云大和後八韻為常未必也然也

事證

凡用事有可以證他本之非者 如楊炯渾天賦日應于天桓君山由其發難晉天文志桓君山曰 天若如

推磨右轉而日西行者其光景當照此廊下稍而東耳
不當拔出去拔出去是應渾天法也據此則日應于天
為是而文粹乃以日作候 又景短而多暑景長而多
寒按周禮日南而景短多暑日北而景長多寒諸史志
並同而文粹作影長而多暑影短而多寒 又執法者
廷尉之曹大夫之象按晉志左執法廷尉之象右執法
御史大夫之象而文粹作大臣之象 又星芒伏鼈按
前漢志旬始其怒青黑色象伏鼈宋均曰怒謂芒角刺

出而文粹作星流伏鼈 王起禋六宗賦天宗必降按
月令祈來年于天宗注謂日月星辰也詳此賦上文言
禋于三辰則天宗為是而一本乃作六宗 張九齡神
池頌天根有見曾是不涸按國語天根見而水涸注天
根亢氏之間寒露後五日朝見而集本乃作天眼 李
庚東都賦至天后朝匪伊是居于焉逍遙文粹以至天
后朝作高祖至于后朝按東都隋置武德四年廢則天
改曰神都遂居之殆非高祖時也 杜牧李給事詩元

禮去歸綸氏學按李膺本潁川人綸氏屬潁川膺免官
歸綸氏教授常千人而集本誤作維氏 孫萬壽寄京
邑親友詩唐彬不競勤按晉唐彬知孫皓將至遲留以
示不競而隋書本傳載此詩乃作吾彥不爭勲吾彥本
降將初無不爭功事 白居易澗底松詩金張世祿黃

憲賢牛衣寒賤貂蟬貴黃憲本牛醫兒

衣字疑誤

而集本作

原憲貧詳上下文黃憲賢是 駱賓王釣磯應詔文素

龜靈也被髮阿門白龍神也挂豫且網莊子宋元君夢

人被髮闕阿門即白龜也說苑白龍爲豫且爲網而集
本以阿門作河津且網爲置網蘇頲策汴王文思窮
占雨沛經不測其精微按東觀漢記沛獻王輔善京氏
易永平五年少雨上以易林占之繇曰蟻封穴戶大雨
將至問輔輔曰蟻穴居知雨將至是占雨也而唐大詔
令作沾雨皮日休秦繆公諡論注文許里克以汾陽
之田百萬丕鄭負蔡一作葵之田七十萬按國語注百萬
百萬畝七十萬七十萬畝也而文粹以百萬作方百里

七十萬作方七十里 又與人誦之曰佞之不佞國語
作佞之見佞而文粹作侯之不侯 張說隴右監牧碑
第賞堂邑之山林按東方朔傳堂邑侯尚大長公主主
謂武帝臨妾山林而集粹並作京邑 又夫其處身則
立無跂正也視無還端也聽無聲成也此語見國語跂
作跛聽作聳而成字集粹作誠國語作成 禁原焚牧
禁原見周禮禁原蠶而集粹作焚原燎牧 張九齡裴
光庭碑詳施稅簡稽之政周禮大司馬施貢分職簡稽

鄉民而集以施作征 梁肅獨孤及行狀惟四布然後

迺斂

惟字疑

檀弓司徒旅歸四布注謂四方之賻布而集

作待賜布

及卒于常州非待賜布乃斂也

此類當以文苑為正

宋此書所

載文苑英華語句攷之文苑英華刊本每有不同如李邕日賦之開谷改作閑閣董思恭日詩之十枝仍作十丈王延昌河瀆碑之魔城誤作靡城于邵謝賜甘子狀之絕劣又作絕少殆後來校刊未見此辨證且不盡依彭叔夏所據原本今略舉大凡附識于此

文苑英華辨證卷一

欽定四庫全書

文苑英華辨證卷二

宋 彭叔夏 撰

事誤一

事有訛誤當是正者 如驕陽賦孫武之失誚梁君之射烏按藝文類聚引莊子太平御覽引說苑並載梁君欲射白鴈行者駭之君怒欲射行者公孫龍止矢曰昔先公時大旱卜以人祠公曰求雨以為民也言未卒大

雨今君以鴈殺人乎今莊子無此文而劉向新序載之以龍為襲以先公為齊景公非說苑也據此孫武之失當作孫龍止矢鳥當作鴈 鴻賦既隨軒于良史按後漢虞國為日南太守行惠澤有雙鴻隨軒據此良史當作良吏 薛道衡臨渭源應詔詩激浪還天河當從初學記作象天河三輔黃圖渭水貫都象天河 李白西岳靈臺歌身騎第一龍上天飛當從集作騎二茅龍初學記華山門載列仙傳呼子先者有仙人持二茅狗來

騎之乃龍也 杜甫八哀詩范雲顧其兒當從集作范

曄宋書曄謀反誅將死顧念其兒也 李德裕與黠戛

斯書契徑路之刀舉琉璃之酒按前漢匈奴傳單于以

徑路刀金留犁撓酒注徑路匈奴寶刀金契金也契刻

也留犁飲匕也琉璃當作留犁 于仲文上隋高祖書

虎貔十萬之衆按隋書本傳云席毗十萬之衆席毗尉

遲迴將也虎毗當作席毗 韓翃爲田神玉母謝男神

功塋賜錢表周顗之親章及貴登僕射異勤之母不見

生拜司徒時神功為右僕射薨贈司徒與周顗為僕射
母絡秀尚在則同而與馮勤為司徒母年八十則異周
當作同 李商隱為李貽孫上李相公啓屢持奇字信
未皆通敬禮小文頗嘗留意按陳書庾持好為奇字屢
持奇字當從集作庾持奇字下對敬禮乃丁虞字也嘗
作小文見文選曹植書 庾信五張寺經藏碑度河餘
獸移關舊村又曰言從楊僕請謝劉琨琨當作昆用後
漢劉昆虎度河事 蘇頲陝州龍興寺碑睦而奉娣郭

奕之儔也。姊當作姊。用晉郭奕事。姊事。楊炯楊去盈
誌賈氏五虎五當作三。後漢賈彪兄弟三人並有高名。
天下稱賈氏三虎。偉節最怒。此類覽者所宜詳也。

事誤二

前人用事元自舛誤。而文苑有襲之者。如樊晦階賦
憶趙妃之嬌妬。窮漢武之寵慾。昭陽特起麗飾繁縟。砌
釵黃金階闌白玉。按漢成帝為趙昭儀居昭陽舍。砌皆
銅沓。冒黃金塗白玉階。則非漢武也。又陳后長信獨

遭棄捐塵駁紫鮮庭鋪綠錢望金屋而魂絕對玉階而
愁連按漢武帝陳后退處長信宮即非長信而成帝班
婕妤共養太后長信宮作賦自傷曰華殿塵兮玉階落
中庭萋兮綠草生賦中正指此事則非陳后也 又如
長門怨詩劉阜云昭陽更漏不堪聞耿漳云聞道昭陽
宴楊衡云望望昭陽信不來劉媛云愁心和雨到昭陽
王貞白云葉落長門靜又云昭陽歌舞伴昭陽乃趙昭
儀則非陳后長門宮事也 梁范靜妻沈氏昭君怨詩

早信丹青巧重賂洛陽師此指毛延壽也西京雜記延
壽長安杜陵人則非洛陽矣李頎鄭櫻桃歌官軍女
騎一千匹繁花照耀漳河春織成花映紅綸巾紅旗掣
曳鹵簿新此指石季龍也鄭櫻桃乃季龍所寵優僮季
龍常以女騎一千為鹵簿皆著紫綸巾熟錦袴金銀鏤
帶五文織成鞞游于戲馬觀則非織成花紅綸巾矣
常袞賀日當蝕不蝕表同道相遇當作過則聞昭子之對
左傳梓慎曰分同道也至相過也則非昭子皮日休

相解上善出于性若文王在母不憂重耳弱不好弄左
傳夷吾弱不好弄則非重耳 白居易祭烏江十五兄
文再求斯疾論語伯牛有疾子曰斯人也而有斯疾也
伯牛名耕則非冉求 庾信侯莫陳道生誌臨晉橫船
既擒趙將按韓信臨晉陳船虜魏王豹其禽趙將乃拔
幟事在虜豹後 此類恐作者之誤

事疑

事有可疑或兩存者 如史宏冰井賦廬陵之瑞空存

三色之名按異物志廬陵城中一井水二色半青半黃

宋永初山
川記同

今作三色

李庾西都賦配前秦與後趙此

言京尹也文粹又作前王似謂前有趙張後有三王但
疑顛錯其文耳 侯喜秋燕辭巢賦漢落葉兮一作漢

案戶兮續漢禮儀志仲秋之月縣道皆案戶比民大戴
禮漢案戶漢天漢也案戶也者直戶也言正南北也一

作疑是 劉孝綽上虞鄉亭觀濤詩化雞仰季智馴雉
推仲康季智仇覽字仲康魯恭字也化雞一作化鶉疑

是化梟仇覽傳化我鳴梟哺所生 駱賓王疇昔篇五

丁卓犖多奇力四士英靈富文藝此言蜀中也左思蜀

都賦江漢炳靈世載其英蔚英相如皜如君平王褒韓

韞而秀發揚雄含章而挺生四士指此一作四皓恐非

蓋此篇末句又云商山四翁也 崔元翰請復尊號第

三表白虎通曰伏羲正五始按白虎通伏羲因夫婦正

五行始定人道今諸本並作五始疑誤

此表又見柳文亦作五始

杜牧請追尊號表武帝之逐北虜四海耗平高宗之伐

鬼方三年乃克尚書班史稱德詠功按鬼方事見周易

既濟未濟二卦今云尚書疑誤

集本同或疑是逸書

劉彤論鹽

鐵表孝武為政廢馬三十萬匹後宮數千萬按貢禹傳
孝武取好女數千人以填後宮今云數千萬疑非 庚

信謝趙王賚犀帶啟昔沈羲將盡逢司命而還生士燮
行埋值仙人而更活按三國志杜畿傳注童子謂畿曰
司命使我召子畿固請童子為求代者今作沈羲未詳
士燮乃董奉事亦見三國志注 是儀鬻書衣判是儀

無上族變于勾吳三國志是儀本姓氏孔融嘲儀氏字
民無上故改為是一本作無首非 盧思道為北齊檄
陳文述吳明徹呂梁之敗及司馬消難奔陳事以史攷
之明徹呂梁之敗在周宣政元年先一年周已滅齊後
二年消難方奔陳又明年周禪隋是為開皇元年伐陳
今既題作北齊又有我大齊語疑皆當為隋 李嶠攀
龍臺碑蓄宏圖于綠鶴之鼎綠鶴當作綠鵠騷曰綠鵠
飾玉后帝具饗后帝殷湯也伊尹緣烹鵠鳥之羹修飾

玉鼎以事湯湯以為相鵠鵠二字通用

說見鳥獸篇

又龍

額虎肩有合良之骨法戴鈴懷斗似高密之容狀額當作顏合當作舍帝王世紀文王龍顏虎骨春秋元命苞文王四乳是謂舍良高密乃禹字亦見世紀 王勃梓

州白鶴寺碑鹽泉錦室家稱三燭之毫疑當作三蜀之豪蜀都賦家有鹽泉之井又云三蜀之豪 又廣州寶

莊嚴寺碑王堂之居池郡但舉賢良池疑當作汝事見後漢王堂傳一作王商非 楊炯隰州令李公誌代恭

王之子郢客為侯按漢代恭王子義嗣其父為王楚元
王子郢客由上郢侯嗣楚王今云代恭王子郢客非詳
而集本又云楚代恭王子郢非客為侯尤不可曉

庾信周安昌公夫人鄭氏誌東都言識司空為武衛之
官武衛一作玄武按後漢王梁傳赤伏符曰王梁主衛
作玄武武水神名司空水土官也 李商隱祭伏波

廟文公孫淵之刺客淵集作弘俱非疑當作述事見馬
援傳 又祭宣武王尚書文鄙晉室之驚練練集作陳

俱非疑當作練葛也事見王導傳 此類覽者所宜詳也

人名一

凡用事有人名與他本異不可輕改者 如皇甫湜醉

賦劉靈作酒德頌按文選酒德頌五臣注臧榮緒晉書

劉靈字伯倫顏延之五君詠劉靈善開關文中子劉靈

古之閉關人也語林天生劉靈以酒為名並作靈而唐

太宗晉書本傳作伶故他書通用伶字 盧肇觀雙柘

枝舞賦燕趙慙妍威嬙掩嫫按戰國策晉文公得南威

三日不朝曰後代必有以邑亡國者莊子毛嬙麗人之
所美也或乃改威作嬪裴度諸葛亮祠堂碑故州平

心與元直神交謂亮與崔州平徐庶友善也

庶字元直而文

粹以故作荆孫述王敬從碑昔萬石君建陵侯皆以

訥言敏行稱為長者謂石奮衛綰也而或以建陵侯作

建慶權德輿容州刺史戴叔倫誌西晉則有司農遂

遂字安丘位至大司農處士逵之弟也而集以遂為逵

此類當以文苑為正

人名二

其有訛舛當是正者 如楊諫大蜡賦嗤子夏之來觀
夏當作貢禮記子貢觀于蜡曰一國之人皆若狂子曰
賜非爾所知也 劉闢如石投水賦漢祖興兮昌言納
劉侯輔兮皇威震劉當作留文選運命論張良遭漢祖
如以石投水 王起鄒子吹律賦扣角于斯文斯當作
師列子鄭師文及秋而扣角草木發榮 錢起洞庭張
樂賦炎民之頌民當作氏莊子黃帝張樂洞庭有焱氏

為之頌釋文焱本亦作炎 白行簡斬龍毀壁賦朱萍

馬能施其術萍當作汴莊子朱萍漫學屠龍 陳章父

人賦類宋則之初來宋當作宗荆楚歲時記宗則五月

五日採艾 陸龜蒙幽居賦採郢範之智囊郢當作桓

魏志曹爽傳注桓範出赴爽司馬宣王曰智囊往矣

周存授衣賦趙將軍授新衣而不遣趙一作桓是晉車

騎將軍桓沖儉素浴後妻送新衣沖令持去妻復送之

曰衣不經新何緣得故沖笑而服之 王胄白馬詩昆

彌還謝力昆樂府作虎是左傳狄虎彌所謂有力如虎者也 包何秋苔詩却笑無公賦臨危滑石間無當作興孫興公天台山賦踐莓苔之滑石 沈炯勸進梁元帝表楚人固執熏丹穴以求君藝文類聚同句梁書南史作越人是莊子越人三世弑其君王子搜逃乎丹穴不肯出越人薰之以艾乘以王輿 梁湘東王薦顧協表孔愉表韓伯之才伯梁書作纘俱非當作績晉書隱逸韓績傳孔愉薦之徵以安車束帛 虞寄諫陳寶應

書將軍鄧非張繡罪異盧諶陳書南史通鑑並作畢諶
按魏志曹操為兗州畢諶為別駕張邈劫諶母弟妻子
操謝遣之諶頓首無二心既出遂亡歸及呂布破諶生
得衆為諶懼操曰夫人孝于親者豈不亦忠于君乎以
為魯相盧諶乃晉劉琨從事段匹磾別駕後往投段末
波仕于石氏非有先叛後歸之罪也 薛元超諫皇太
子賤晉明帝之在東宮中庶子溫嶠中舍人劉放按晉
書明帝為太子溫嶠為中庶子阮放為中舍人劉放乃

魏明帝時與孫資並用事者非晉人也 隋檄陳尚書

江總文劉叔納譙周之計而獲存按蜀後主劉禪用譙

周策降魏叔疑當作禪 張叔政棄農判秦陽之蓋一

州陽當作楊漢貨殖傳秦楊以田農而甲一州 蘇綰

家僮視天判王霸之精才霸一作朔是李廣傳望氣王

朔 李德裕豪俠論袁蓋善劇孟匿季布季布按漢書

當作季心 權德輿弘文崇文生策問人疑張祿詞假

葛襲襲當從文粹作襲事見後漢文苑傳注 張說洛

州張司馬集序晉則三楊藻綴此用張氏事也晉張載
字孟陽弟協字景陽亢字季陽並有才藻屬綴楊當作
陽 李華楊騎曹集序昔許衛尉與徐荐穆友善此言
許善心之父與徐陵也陵字孝穆荐當作孝 顧況廣
異記序嬴姬暴市六日而蘇姬一作謀是事見左傳又
湯之問旱以語怪旱一作華並非當作革見列子 權
德輿送安南裴中丞王彥威之教化當從集作士王威
彥三國志士燮字威彥為交趾太守 楊炯恒州刺史

王公碑北瞻浴汭尚想元亮之墳元亮當從集作元凱
元凱杜預字也其遺令北城南觀伊洛 張說鄭國夫
人碑周官儀禮資稟宣父之學父當從集作文晉韋逞
母宋氏號宣文君得周官音義 權德輿崔述誌辱安
平戴公之知於公獲南宮之眷戴公當從集作戴侯文
選潘岳懷舊賦余獲見于父友東武戴侯楊君始見知
名遂申之以婚姻謂東武伯楊肇以女妻岳戴其諡也
述仲兄安平公實德與之妻父故有戴侯南宮之語

此類覽者所宜詳也



文苑英華辨證卷二

欽定四庫全書

集部

文苑英華辨證卷

三至五

詳校官庶吉士

臣龍廷槐

助教

臣

常循覆勘

總校官候補中書

臣孫溶

校對官編修

臣朱紱

謄錄監生

臣曹躍淵

欽定四庫全書

文苑英華辨證卷三

宋 彭叔夏 撰

人名三

人名有與史傳集本異不可輕改者 如張說裴行儉
碑自冀州刺史徽至公十二代中軍將軍雙虎至公六
葉按唐宰相世系表徽生黎黎生苞苞生軫軫生嗣嗣
生天明天明生雙虎雙虎生惠秀惠秀生嵩壽嵩壽生

伯鳳伯鳳生定高定高生仁基仁基生行儉乃十二代
自雙虎至行儉乃六葉集本脫至公十二代中軍將軍
雙虎十一字止云自冀州刺史徽至公六葉非也 常
袞盧正已誌公字子寬本諱元裕以聲協上之尊稱優
詔改錫正已則元裕正已本一人也而世系表乃以為
兄弟二人 李華慶王府司馬徐府君碑君諱堅字某
名與宗人同故以字稱此徐有功之子也而世系表與
本傳並作名倫字堅 張說節愍太子妃楊氏誌高祖

士達天授中以孝明高后之父追封鄭王孝明高后謂
武后之妣楊氏也而集以高后為高氏 韓愈董晉行
狀四子全道溪全素解集本或作全道全溪全素全解
按世系表及愈所作董溪墓誌溪解並無全字蓋全道
全素皆上所賜名也 此類當以文苑為正

人名四

其有訛舛實于史傳當是正者 如新羅王德真織錦
作太平詩新羅王德真

即新羅王金真平女也 平死無子女乃嗣立為王

大破

百濟之衆其弟子法敏以聞按唐書本傳王真平死無子立女善德為王善德死妹真德襲王攻破百濟遣弟子贊子春秋之子法敏入朝織錦為頌以獻據此則德真當作真德法敏乃真德弟伊贊子春秋之子也李

嶠賀破契丹表逆賊孫萬榮按唐書聖證元年改契丹首領李盡忠為盡滅孫萬榮為萬斬陳子昂集中亦作萬斬今契丹已破賀表猶稱萬榮非令狐楚為鄭詹謝河東節度使表本使李詵奄從薨逝詵一作悅按舊

唐書李說貞元十六年十月卒以鄭儋代之說當作說

又見韓文
鄭儋碑

侯莫陳悅檄陳蕭摩訶文按悅以西魏永

熙三年卒後隋代陳乃以侯莫陳穎為行軍總管悅疑

當作穎 盧思道北齊興亡論李昌地迺密親李昌按

北史當作孝昭 沈約授蕭重球左僕射詔征虜將軍

吳國太守建安縣開國子蕭重球重球一作惠休是南

史惠休封建安縣子徙吳興太守徵為左僕射 權德

輿權自挹誌

自挹德輿
之族祖

其先殷王戊丁之友集本同按

世系表權氏武丁之裔孫戊丁之友疑當作武丁之支
此類覽者所宜詳也

人名五

其有與史集異同當並存者 如盧思道北齊興亡論

僕射高正德北齊書本傳作高德政 朱敬則北齊高

祖論趙魏之豪有高虔邕李元誠盧文緯本傳作乾邕

元忠

以諱作誠

文偉蓋代之傑有薛孤延本傳作孤延 庾

信拓跋儉儉字慶明周書書北史並云儉本名慶明碑

云以公識度嚴明志節清儉遂改公名儉字慶明則碑
為是父馘北史作馘 又宇文顯誌二史並作顯和

司馬裔誌祖龍北史作金龍 柳遐志周書作霞 崔

湜元希聲碑曾大父弘大父恭皇孝孝節世系表

下云表省

文以弘為琳之兄琳生義恭義恭生孝節 張說馮君

衡誌智弒智玳唐書作智戴智或 蘇頲韋抗碑銀青

光祿大夫太子詹事贈秦州都督諡曰貞諱璿表作琨

張九齡裴光庭碑大父仁諡忠憲大王父定仁表作

仁基諡忠定作定高時明皇諱隆基故避基字而高字

亦削去未詳

父行儉諡獻公即獻公第七子表以為長子

又李仁瞻碑趙

郡太守諱鳳昇表作子雲字鳳昇 李邕劉知柔碑趙

朝散大夫陳留縣長玄邃表作隋留縣長務本 孫逖

杜諮議

義寬

碑北齊膠州刺史保之孫隋鴈門郡守伽

之子表以保作伽伽作保四子次曰惟忠新舊唐書竝

作承志

李迥秀裴希惇碑曾祖靜慮表作澄字靜慮

父之隱表以希惇為之爽之子之隱乃之爽之兄 蕭

昕張九臯碑子十一人曰捷權杙杆表作捷擢抗捍

韋述韋湊碑父諱玄福表作福字玄福舊史止作玄

穆員李抱真誌曾祖興表作永達祖恪表作懷恪 蕭

功曹誌曾祖憬表作文憬又祖元祖表作元禮 常袞

盧正己誌父貞慶表作貞松 鄭餘慶賈耽碑考琰之

表作元琰 牛僧孺崔羣家廟碑懷州公諱朝字守忠

表作懿忠 獨孤及韋氏誌渭南縣主簿懿表同集以

懿作懿 著作郎偉睦州刺史儼之妹集作著作郎京

北從丞相

此五字誤疊
寫次行下文

韋儼之妹表作著作郎韋睦州

刺史贊

又殤子韋八誌秘書省著作郎
京兆偉之甥偉集作韋儼亦誤

逍遙公生民

部尚書建安公世恭表作瓘字世恭 建安生上大將

軍宋州刺史仁表作仁祚仁祚乃仁基之子仁基乃世

恭之弟 權德輿王定碑隋司金邢孟洺相等七州刺

史明進明進生同州河西縣令喜集作隋司金上士洺

相等七州刺史明明生進進生同州河西縣令喜集作

周司金上士明遠生隋州都七職主簿壽壽生河西令

詰 王光謙碑隋揚州戶曹參軍東表作揚州司馬孝
京 韓愈烏公先廟碑贈尚書諱承治字某新唐書作
承玼字德潤有傳 又如桂州破西原賊露布睦州武
陽珠蘭金經黃橙等一百餘洞大賊帥偽號中越王廖
殷偽號桂南王莫淳偽號拓南王相友偽號南越王莫
尋偽號象郡王梁秦偽號鎮南王羅成偽號戎成王莫
濤偽號南海王羅品等大賊帥武承斐敬簡二人面縛
請罪按唐書西原蠻傳推武承斐韋敬簡爲王僭號中

越王廖殿爲桂南王莫淳爲拓南王相支爲南越王梁
奉爲鎮南王羅誠爲戎成王莫濤爲南海王偽號既顛
錯而名亦間有異者 此類並注于本文之下

官爵一

凡官職封爵有與史集異不可輕改者 如駱賓王寄
東臺詳正學士詩按唐百官志儀鳳中置詳正學士而
集以正作政 劉禹錫贈澧州高大夫司馬霞寓詩按
霞寓本傳拜豐州刺史後貶歸州刺史不載澧州司馬

今詩云一誤雲中級南游湘水清則似澧州也 蘇頲

授尹思貞御史大夫制將作大匠按唐制隋煬帝改匠
為監唐初復舊天寶中再為監今思貞改命在開元初
猶為大匠或乃以匠為監 張說楊執一碑司徒觀王
雄之曾孫司徒集作司空按隋書觀王傳贈司徒 張

九齡李仁贍碑五代祖始豐懿公璨始豐集作始封按
世系表亦作始豐 權德輿王崇述碑一命昭武校尉
蘭州金城府別將金城府集作金城縣按唐地理志蘭

州有金城府又有五泉縣咸亨二年改名金城天寶元年復舊又有廣武縣乾元二年更名金城今云別將則府為是 蘇頲命呂休璟等北代制神仙府折衝按唐志神仙府在晉州唐大詔令迺作神仙莫門積石等軍建康軍使唐志莫門軍在洮州建康軍在甘州唐會要乃作英門建庫 此類當以文苑為正

官爵二

其有訛舛當是正者 如魏謩拜相制判戶部事一作

兵部侍郎按新史纂本傳遷御史中丞兼戶部侍郎舊
史云判戶部事而制詞亦云貳于卿秩掌我地征未云
依前判戶部事並無兵部侍郎當作戶部侍郎判戶部
事常袞謝妻封弘農郡夫人表其後雖有石窰延卿
之錫亦無夫人之號唐類表無延卿二字按陳留風俗
傳封丘者高祖與項氏戰厄于延鄉有翟母者免其難
故以延鄉為封丘縣以封翟母則延卿當作延鄉 郎
國公韋孝寬檄陳文行軍總管柱國公士彥柱國公按

梁士彥傳當作上柱國郾國公 王志愔應正論任延
為武建太守按後漢本傳武建當從舊史作武威 庾
信齊王憲碑都督益寧壽等二十四州益寧壽當從周
書本傳作益寧巴瀘 又贈太子少保豆盧公碑此豆
盧永恩也當從本傳作贈少保 李嶠攀龍臺碑進封
膺國公膺一作晉此武士獲也當從本傳作應國公次
兄士逸封六安郡公當從二唐書作安陸縣公唐志安
州安陸郡安陸縣無六安郡 張說馮昭泰碑起家左

奉格當從集作奉裕唐志唐置兵曹改司使左右復曰
千牛備身龍朔二年改千牛備身曰奉裕 楊炯任晃
碑淮陽從事術數知名此用任氏事也當從集作益州
從事後漢方術傳注任文公巴郡人為州從事以占術
馳名 白居易元稹誌六代祖岩封武平公集作昌平
當從文粹作平昌見隋書本傳及唐世系表 此類覽
者所宜也

官爵三

其或有疑當兩存者 如崔湜赴襄陽詩題云授江州

司馬尋拜襄州刺史檢湜傳同今詩乃云始佐廬陵郡

尋牧襄陽城 李華衢州刺史廳壁記武威公李僕射

傑武威一作武陵按二唐書傑傳並云武威縣子 常

袞謝贈官表臣亡祖故慶王文學楚珪世系表作雍王

文學 李邕謝慰諭表貶臣為常州司戶本傳作富州

司戶洛州司戶崔日知日知傳作洛州司馬 沈約封

左興盛等制輔國將軍參軍事左興盛直閣將軍劉山

陽齊書作前軍司馬左興盛輔國將軍劉山陽 又封

李居士等制潮陽縣開國男胡松齊書作沙陽縣 又

封授臨川等五王詔北中郎將南徐州刺史秀安北將

軍偉安西將軍愴梁書作輔國將軍秀冠軍將軍偉平

西將軍愴 庾信周大將軍崔說碑祖辨中軍將軍魏

書北史並作安南將軍父楷鎮北將軍司馬魏周二書

及北史並作驃騎大將軍開府儀同三司 又介縣永

永即段碑斬西城中主北史本傳作西中郎將蒙賞平昌

縣開國子傳作昌平縣 豆盧公碑改封龍支侯龍支

袍罕郡屬縣也周書作龍來

蕭太誌

即蕭泰避周轉太祖諱作太

太子中書舍人周書作太子中舍人南史作中書舍人

疑並歷二官

楊炯字文琰碑曾祖顯和後魏將軍集作冠

軍北史本傳作冠軍將軍

碑與集疑省文

崔湜元希聲碑鄔

國公武攸望唐書攸望封葉國公攸宜封息國公 穆

員李抱真誌高祖修仁啓封申國公世世系作卿國公

路巖渾侃碑迴貴拜豹韜大將軍元慶右玉鈴將軍

靈丘伯太壽太子僕表作迴貴豹韜大將軍靈丘伯元
慶鎮國大將國太壽大僕丞 楊炯崔獻行狀祖弘壽
隋獲嘉縣開國侯父萬善皇朝左將門將軍持節隆州
諸軍事安隆州刺史表作弘壽左監門將軍獲嘉男萬
善閬州刺史 顧況韓滉行狀父休太子少保贈司空
權德輿韓洄行狀父休太子少保贈司徒二唐書作太
子少師 又如楊炯後周青州刺史齊貞公宇文彪碑
內云華州刺史封青州齊郡公而題云青州刺史 柳

晁青帥乞朝覲表內有瘡癘之語唐書晁傳為福建觀察使而題云青帥凡此者皆未詳也

文苑英華辨證卷三

欽定四庫全書

文苑英華辨證卷四

宋 彭叔夏 撰

郡縣一 地名附

凡郡縣名及地名有不可以他本而輕改者 如楊炯

渾天賦太平太蒙爾雅東至日所出為太平西至日所

入為太蒙

即蒙
汜也

太平之人仁太蒙之人信而文粹以太

蒙作太象

又任是誌太蒙之信太
平之仁集亦作太象

吳融沃焦山賦歸

塘之積或疑當從列子渤海之東有大壑焉實惟無底之谷名曰歸墟然初學記所引列子乃作歸塘 唐太宗望中南山詩或疑此詩編在終南山門中當作終然詩秦風終南注終南山即周之中南山也潘岳關中記云終南一名中南言在天之中居都之南故曰中南

李商隱為濮陽公陳情表貪泉湏水按漢武帝紀下湏水湏水出湏陽縣今屬英州改作真陽而集本以湏作

須 庾信宇文常碑羅州刺史又鄭常誌

即宇文常也
宇文蓋賜姓

遷州刺史按隋地理志西魏時于竹山縣置羅州宇文
後周于房陵郡置遷州隋並號房州碑誌蓋互言也

又如隨隋二字通鑑初書楊忠為隨公楊堅為隨王文
帝方省文為隋 牂牁郡漢書雖作牂柯而後漢隋書
文選並作牂牁皆船棧也集韻通用唐人多用此二字
亦或從牛 此類當以文苑為正

郡縣二

其有訛舛當是正者 如土風賦堯作平陽一作成陽

詳此賦序云睢陽古之大郡賦內又云豈若睢陽城臨
氏房昔者舜漁雷澤堯作成陽天乙都亳沛公潛梁皆
言宋地也前漢地理志昔堯作游成陽舜漁雷澤成陽
在定陶有堯冢乃宋地堯都平陽在河東郡為晉地據
此當作成陽 楊炯庭菊賦邳鄉貴族邳或作邕詳此
賦序云庶子裴公左庶子薛公賦內又云邳鄉貴族薛
縣名家乃指裴與薛也邳當作邕步回反 河東聞喜縣有
邕鄉訛作邕耳 張說諫則天幸三陽宮表郛城褊小

集本同舊史作告成按唐志河南府陽城縣萬歲登封
元年將封嵩山改曰告成神龍元年復故名二年復為
告成登封縣本嵩陽貞觀中省入陽城有三陽宮據此
當作告成 柳宗元唐貞符解滌訟于北集粹唐書並
作濮鈐按爾雅東至于泰遠西至于邠國南至于濮鈐
北至于祝栗據此則當作濮鈐 庾信周崔說碑天和
中三州北史作能和忠三州當從周書作熊和中三州
按隋志後周時宜陽曰熊州陸渾曰和州新安置中州

皆在河南郡又贈鄜延丹綏恒五州刺史北史作廓

恐是

鄜延等五州當從周書作敷延丹綏長五州按隋志上

郡西魏為敷州大業二年改為鄜城郡內部縣舊置敷

州大業初州廢弘化郡歸德縣西魏置恒州後周廢北

地郡三水縣西魏置栢州尋廢朔方郡長澤縣後魏置

長州大業三年州廢綏州在雕陰郡延州在延安郡丹

州在延安郡之義州縣並西魏置至隋或改或廢則是

後周末始有鄜恒二州也周克州刺史宇文常碑都

督南兖州諸軍事南兖州刺史題止云兖州當作南兖
州在譙郡兖州乃魯郡也 鄭常誌都督東徐州諸軍

事徐州刺史徐州當作東徐州在下邳郡徐州乃彭城

郡也 吳明徹志兖州人兖州當作南兖州在都都郡

又非譙郡
之南兖州

梁置南兖州後齊改為東廣州陳復曰南兖

有六合縣舊置秦郡南史明徹秦郡人也

即此郡

鄭薰

仇士良碑士良洪農興寧人也按唐書士良傳循州興

寧人循州乃海豐郡洪農作海豐 此類覽者所宜

詳也

郡縣三

其或有疑當兩存者 如鄭璘授李繼密山南西道節
度使制既云華陽與壤黑水上游提封遠振于三川列
郡豈惟于千里又云可權知河陽節度題云山南制乃
河陽其詞又有華陽黑水三川之句河陽在孟州漢川
洋川通川在山南西道或以為三川皆所未詳 賢良
第五道策問化被桂州創基刑馬刑馬一作熊耳吳師

道對策云天皇首出瞰桂州而宅土地皇革命俯刑馬
以開都俯刑馬一作符熊耳按適甲開山圖天皇在桂
州崑崙山下地皇興于熊耳山榮氏曰人皇生于刑馬
山對策既指地皇故並存之 李華衢州刺史壁記婺
州分置衢州領六縣近歲析玉山全邑洎須江南鄉益
信州按唐志衢州六縣析玉山常山兩縣置信州止四
縣今但云玉山疑脫常山二字又疑須江南鄉或為常
山地當攷 白居易溧水令白府君誌歷泗州虹縣令

泗集作宿按唐志元和四年始析泗州之虹置宿州太和三年廢七年復置時白府君卒于太和八年未審何時厯虹令也 楊炯王義童碑緜州萬安縣令緜一作錦按唐志錦州常豐縣緜州羅江縣並初名萬安至天寶元年並改今名 蘇頲褚無量碑十一代祖盛後漢海鹽長子孫因居遂為吳郡海鹽人二唐書作杭州鹽官人碑又云五代祖陽嗣錢塘侯又云歸祔于錢塘臨平山之舊域則似為杭人也碑云海鹽豈本其舊而言

之乎 此類並注或存一作

年月一

凡年月與他本異不可輕改者 如歐陽詹廻鸞賦癸
亥之歲作辛于西詳上文云承八聖之重光則德宗也
德宗建中四年歲在癸亥有奉天之幸而一本乃作癸
丑癸丑為代宗大厯八年無西幸事且非承八聖也

張仁亶賀中宗登極表今月一日牒至皇帝去月二十
五日光臨寶極按二唐書神龍元年正月丙午

即二十
五日

中宗即位時仁亶在洛州所上表作去月為是而唐類表乃作五月失之遠矣 劉子玄昭成皇太后冊文開元四年秋八月甲辰朔改通鑑目錄八月為是而唐大詔令乃作七月 權德輿奏孝子劉敦儒狀貞元二十年留守韋夏卿奏聞臣至洛都今又十年攷唐書德輿以元和八年罷相後為東都留守自貞元二十年至元和八年恰十年而集本乃作貞元二年 呂才五行祿命葬書論春秋魯桓公六年九月又云建申之月周以

子為正月九月即七月建申也而二唐書改作七月蓋從夏正則非春秋本文矣元稹白氏長慶集叙長慶四年樂天手自排纘成五十卷予以為皇帝明年當改元長慶訖于是集作明年秋當改元按長慶四年穆宗崩敬宗即位明年改元即正月也按制詔內寶厯赦書長慶五年正月七日改寶厯元年安得謂之秋乎此類當以文苑為正

年月二

其或訛舛當是正者 如呂溫由鹿賦貞元丁卯歲集

作己卯按丁卯乃貞元三年己卯則貞元十五年溫以

貞元末擢第則己卯為是 新羅王德真

本傳作真德

織錦

作太平詩永徽五年德真大破百濟之衆按本傳武德

四年新羅王真平遣使者入朝貞觀五年死無子立女

善德為王二十一年善德死妹真德立永徽元年攻百

濟破之織錦為頌以獻五年死據此則永徽五年當作

元年 沈炯勸進梁元帝表衆軍以今月戊午總集建

康攷其月日當從梁書作戊子 陳貞節明堂議光武

中興元年立于國城之南攷光武本紀當從唐會要作

中元元年 張九齡東封赦書唐元六年六月二十六

日立功官人按唐書唐隆元年六月二十日玄宗定內

亂睿宗改元景雲今避玄宗諱隆云唐元是矣復云六

年六月則非 舒元興御史臺新造中書院記謹按高

祖大皇帝作大明宮將二百年矣當從文粹作高宗天

皇大帝按會要高宗龍朔二年修大明宮改名蓬萊是

年壬戌至太和四年庚戌元興作記時已二百二十九年若作高祖則年代愈遠矣崔融則天哀冊文神龍元年歲次乙巳十二月己巳朔二十六日甲午文粹作十一月二日會要作十二月二十六日大詔令作十一月己巳朔二十六日甲午二唐書通鑑並作十一月壬寅按鑑鑑目錄是年十一月丁丑朔壬寅即二十六日則諸本誤矣常袞貞懿皇后哀冊文大厯十年歲次辛卯十月辛酉朔七日丁卯貴妃獨孤氏薨十三年六

月十七日癸酉冊命以其月二十五日丁酉遷坐于莊
陵七日丁卯舊史本傳及文粹並作六日景寅又云十
三年十月癸酉其月二十五日丁酉以月日攷之十月
癸酉為是大詔令作六月十七日癸酉又云其年十月
癸酉朔則失之速矣 獨孤及獨孤公靈表至德二年
歲次癸酉又云明年歲在甲戌集本並同攷通鑑目錄
當作歲次丁酉明年歲在戊戌 陳子昂陳旼誌是歲
龍集癸巳有周天授三年集作二年按唐書天授三年

四月改元長壽是歲壬辰長壽二年乃是癸巳則癸巳
非天授二年三年 張說為人祭弟文景龍二年歲次

庚戌正月癸丑朔五日丁巳集作景龍三年按通鑑目
錄景龍四年歲在庚戌七月改元景雲則庚戌非景龍
二年三年又庚戌年正月壬子朔亦非癸丑也 白居

易參崔常侍文太和九年歲次乙卯二月景子朔七日
壬申集作丙午朔七日壬子按通鑑目錄當作景子朔
七日壬午 杜牧黃州祭百神文月維孟夏日維辛巳

集本同詳上文云四月大赦六月甲子朔十八日辛巳
准赦得祭百神則孟夏當作夏夏 溫彥博突厥議貞

觀十三年頡利初敗來降者衆當從唐書通鑑貞觀政

要作貞觀四年 此類覽者所宜詳也

又如李邕泗州普光王寺碑僧

伽和尚景龍四年三月二日端坐棄代傳燈錄作景龍三年三月三日頡汎廣陵大雲寺碑周紀昭王二十四年甲寅聖人生于西方穆王三十三年壬申聖人滅于西方傳燈錄作穆王五十一年壬申以張氏經世紀年致之則甲寅壬申並作壬子未審孰是

文苑英華辨證卷四

欽定四庫全書

文苑英華辨證卷五

宋 彭叔夏 撰

年月三

其有他本原誤文苑因而襲之者 如杜佑省官議晉
太元六年省七百餘員按晉武帝以乙酉歲受禪年號
太始凡十年至乙未歲改元咸寧又至庚子改元太康
元年始滅吳而荀勗傳所載議省州縣半吏在咸寧之

後通鑑亦書于咸寧之五年今通典作晉太元六年且有吳國尚在之語所謂太元乃東晉孝武年號非晉初之武帝佑不應爾疑雕印時誤指太始為太元且又不及咸寧而新唐書作佑傳

本傳同

亦襲其誤耳

鄭薰移

顏魯公詩記魯公由刑部書貶夷陵郡別駕大厯六年又以前秩轉廬陵郡道出宣州之溧水縣經古烈士左伯桃墓下作詩一首洎大中丁丑歲八十七年矣按魯公以永泰二年丙午二月貶峽州別駕旬餘改吉州

司馬六月次江州之廬山有東西林題名必以秋至吉
是年十一月改元大厯故次年丁未十月公遊青原寺
題名便稱大厯二年又明年戊申五月移撫州刺史已
酉庚戌皆在官六年辛亥閏三月代到而四月書麻姑
壇記猶以撫州繫銜今于文集及石刻攷之是歲八月
次上元縣乃自撫歸京時也上元與溧水為鄰邑今皆
隸昇州當時溧水則隸宣城公題詩烈士墓在六年或
是此時與記合然謂公由刑部尚書貶夷陵大厯六年

又以前秩轉廬陵郡道出溧水薰唐人不應謬誤如此

年月四

其有與史全異所當攷者如洎洎論太子初立請尊

賢學表

一作請太子尊賢重道書

竊以良娣之選遍于中國仰惟聖

旨本求內助防微慎遠之慮固非羣下所測暨乎徵簡

人物則與聘納相違監撫二周未延一士愚謂內既如

彼外亦宜然者恐招揚議將謂陛下重內而輕外也此

段貞觀政要唐會要新舊唐書通鑑並無惟文苑有之

會要云武德九年立中山王承乾為太子貞觀十三年

黃門侍郎劉洎上疏

云

上遂敕洎令與岑文本馬周

遮日往東宮與太子談論政要云貞觀十八年大帝初

立為皇太子尚未尊賢重道太宗又嘗令太子居寢殿

之側絕不往東宮散騎常侍劉洎上書

云

太宗乃令

洎與岑文本馬周遮日往東宮與太子談論按太子承

乾以貞觀十七年廢遂立晉王為太子二唐書通鑑皆

載洎書于立晉王為太子之後今云監撫二周則與政

要所書貞觀十八年相近而會要所載武德九年及至

貞觀十三年則相遠矣

若以貞觀九年高祖崩太子監國至十三年亦與二周相遠

又洎書云古之太子問安而退異宮而處今太子一侍

天闈動移旬朔此以諫太子居寢殿之側也新史高宗

紀云太宗嘗命太子遊觀習射太子辭以非所好願得

奉至尊居膝下太宗大喜乃營寢殿側為別院使太子

居之則與政要合會要以為承乾恐非于邵為楊炎

請冊皇太子第二表高祖義寧二年五月即位六月立

建成為皇太子太宗武德九年八月即位十月立中山王為皇太子高宗貞觀二十三年六月即位七月立陳王為皇太子按二唐書及會要高宗永徽三年七月立陳王忠為皇太子非貞觀二十三年也然詳此表上下文意皆謂祖宗即位之年便立太子故云六月即位七月立皇太子于邵為楊炎作表去高宗未遠不應與唐書會要抵牾如此

名氏一

凡撰人名氏或有以甲為乙當以文苑為正者 如杜

誦哭長孫侍御詩今載杜甫集中按中興間氣集又玄

集唐宋類詩皆云杜誦高仲武當唐中興肅宗時編間

氣集載誦詩止此一首又云杜君詩平調不失如流水

生涯盡浮雲世事空得生人始終之理故編之必不誤

近卞園注杜詩亦載此篇雖云或以為杜誦作然不明

辨也 林逢請聽政表七首第三表載柳宗元集中作

第二表晏元獻公云柳集第二表據文苑乃林逢第三

表而柳集又自別有第二表第四表亦載柳集作第三

表詳表文云兩河之寇盜雖除

柳集作難除非

百姓之瘡痍未

合又云成先帝之大功繼中興之盛業乃穆宗敬宗時

事宗元當憲宗元和十四年已卒此二表柳集誤收何

疑李吉甫郴州刺史謝上表亦載柳集以郴作柳按

新史吉甫傳改郴移饒舊史乃以郴作柳是致柳集誤

收況宗元自有郴州謝表其題作謝除云奉三月十三

日制六月二十七日上訖今此表題作謝上又云今月

二十五日上訖攷其月日文理皆非宗元事其為吉甫
何疑 羅袞後二銘其一擲銘而有髮旦旦思理有心
焉有身焉胡不如是文粹以此為盧仝作云人之有髮
兮旦旦思理有身兮有心兮胡不如是攷玉川集梳銘
云有髮今朝朝思理有身兮胡不如是詞雖小異然為
擲銘一也今詳文苑所載袞二銘枕銘杖銘并序復載
後二銘擲銘門銘并序其序云前惟王者之義無所不
正或得賢以反國既作枕杖二銘以風復念時人歉于

自修卒達善及禍或侈滿不能長嗣因亦銘諸櫛銘諸
門以勸以序觀之則四銘皆袁所作甚明文粹既載袁
前二銘乃以盧仝門銘列于袁所作枕杖二銘之前又
以仝櫛銘列于枕杖二銘之後已自可疑或者玉川亦
有此作其詞偶同乎近世眉山成午編唐三百家名賢
文粹亦與姚鉉同殆未見文苑故耶

名氏二

其有舛訛當是正者 如梁武帝白紵歌二首其一朱

絲玉筯羅象筵飛管促節舞少年短歌流目未肯前含
笑一轉私自憐其二朱光灼爍照佳人含情送意遙相
親嫣然宛轉亂心神非子之故欲誰因二篇文苑共作
一首而郭氏

茂情

樂府析而為二其二題作沈約夏白紵

歌又自別有武帝一首纖腰嫋嫋不任衣嬌怨獨立特
為誰赴曲君前未忍歸上聲急調中心飛 唐太宗遼
東山夜臨秋詩秋風何凜冽白露為朝霜柔條朝夕勁
綠葉日夜黃明月出雲崖皎皎流素光披衣臨前庭嗷

敝晨鴈翔按文選及初學記並作晉左思雜詩而初學
記自別有太宗遼東山夜臨秋詩烟生遙岸隱月落半
崖陰連山驚鳥亂隔岫斷猿吟 蘇味道正月十五夜

詩二首其一火樹銀花合星橋鐵鎖開暗塵隨馬去明
月逐人來遊妓皆穠李行歌盡落梅金吾不禁夜玉漏
莫相催其二玉漏銅壺且莫催鐵闌金鎖徹明開誰家
見月能閒坐何處聞燈不看來按藝文類聚初學記歲
時雜詠並以第二篇為崔液夜遊詩以上三詩類聚初

學記樂府所載與前詩相聯恐當時誤編耳 高適行
路難二首其一君不見門前柳榮耀暫時蕭索久君不
見陌上花狂風吹去落誰家思婦見之嘆之嘆蓬首不
梳心歷亂盛年夫壻長別離歲暮相逢色凋換其二君
不見富家翁舊時貧賤誰比數一朝金多結豪貴百事
勝人健如虎子孫成長滿眼前妻能管絃妾能舞自矜
一身忽如此卻笑傍人獨愁苦東鄰少年安所如席門
窮巷出無車有才不肯學干謁何用年年讀空書郭氏

樂府以前篇為賀蘭進明作以後篇為適第一篇而適
自別有第二篇長安少年不少錢能騎駿馬鳴金鞭五
侯相逢大道邊美人絃管爭留連黃金如斗不敢惜片
言如山莫棄捐安知顛顚讀書者暮宿靈臺私自憐適
集與樂府同則前篇為進明作明矣 劉長卿宥子怨
詩垂柳覆金堤靡蕪葉正齊水溢芙蓉沼花飛桃李蹊
採桑秦氏女織錦竇家妻關山別宕子風月守空閨恒
斂千金笑長垂雙玉啼盤龍隨鏡隱彩鳳逐帷低飛魂

同夜鵲倦寢憶晨雞暗牖懸蛛網空梁落燕泥前年過
代北今歲往遼西一去無消息那能惜馬蹄此篇長卿
集不載而郭氏樂府及洪氏容齋續筆並以為薛道衡
昔昔鹽按隋書通鑑隋煬帝誅道衡曰更能作空梁落
燕泥否趙嘏有廣道衡詩二十首每一句作一篇即用
前詩句也文苑殆因韋縠編唐才調集作劉長卿而誤
耶洪氏云玄怪錄載蘧蔭三娘工唱阿鵲鹽又有突厥
鹽黃帝鹽白鵲鹽神雀鹽疎勒鹽滿座鹽歸國鹽唐詩

媚賴吳娘唱是鹽更奏新聲刮骨鹽歌詩謂之鹽者如
吟行曲引之類今南嶽廟樂曲有黃帝鹽而俗傳以為
黃帝炎長沙志而書之蓋蓋不攷也 韋元甫木蘭歌

按劉氏

次莊

郭氏樂府並云古詞無姓名郭氏又曰古今

樂錄云木蘭不知名浙江西道觀察使兼御史中丞韋
元甫續附入則非元甫作也 司空圖馮燕歌按麗情

集乃沈亞之作其歌云為感詞人沈下賢長歌更與分
明說下賢亞之字也嘗作馮燕傳併作此歌而司空圖

集無之則非圖作也

賈島卻赴南巴留別蘇臺知己

詩載劉長卿集中長卿嘗貶南巴尉而島集無之則非

島作也

又如為文武百官請復尊號六表載柳宗元

集中而唐類表作崔元翰元苑總目作類表而本卷乃

作常衮按唐德宗興元元年率奉天削去徽號貞元五

年六月百官請復舊即此六表是也

藩史載貞元五年六月百官請復徽

號正指此事

是時崔元翰為禮部員外郎歷知制誥唐書稱

其詔令溫雅則類表云元翰作是矣況又總目明言取

之類表乎本卷乃誤作常衮衮于建中初卒至是已十年矣又柳文收此表或入正集或入外集按宗元年譜貞元五年方十七歲

時其父以事作宰相竇參被貶

八年始貢京師其

誤可知

賀赦表六首類表以為李吉甫作而文苑以


為李邕按邕天寶初卒而此六表乃作代宗德宗憲宗時況文苑于五百五十九卷有重出一表題云李吉甫乎又第二表末云謹遣當州軍事衙前虞侯王國清奉表陳賀以聞正與吉甫郴州謝上表末語同則非邕作

也 中書門下賀赦表類表以為令狐楚作而文苑以
為獨孤及按此表載憲宗尊號乃元和中也及以代宗
大厯十二年卒決非及所作明矣及集無此乙朝觀表表類
表以為柳冕作而文苑以為李俛按唐書柳冕傳亦載
此表決非俛所作也 讓吏部侍郎表見唐書邵悅本

傳而文苑作張說亦非也 奏邕管黃家賊事宜狀載

柳宗元集云大裴中丞作按元和十一年裴行立為桂
帥請發兵誅黃少卿時宗元在柳州代裴中丞論黃賊

事表狀牒凡六篇內一首即此狀也文苑乃以為令狐
楚作楚時為中書舍人恐非 石橋銘二首並載張說
集乃玄宗同玉真公主過大哥山池作而說奉和文苑
乃並以為張說作首篇當作玄宗次篇當云張說奉和
顧況棄婦詞古來有棄婦棄婦有歸處高適見人臂
蒼鷹詩寒冬十二月蒼鷹八九毛今竝載李白集棄婦
詞比顧又詳蒼鷹詩題作觀放白鷹恐非文苑止作詠
鷹



文苑英華辨證卷五